

館陶縣志卷之十二

禱志

寺宇

災祥

兵警

採異

二氏之說不登宮牆久矣今境內寺宇相望雖舟
堊煥然不敢齒於正編陶彈丸區自古禎祥不數
見而災眚疊告寧可諉曰天行顧弗葺乃人事哉
治亂相乘兵戈代有異聞亦當芻採茲採其有據
者前編綱目悉具未附禱類如 家置閭然 畢

厥集

寺宇

館陶縣志

卷之十二

禱志

一

貞

寶應寺

在縣治西南隅金時建僧信智重修遭元

兵燹毀明洪武十七年僧子成復建永樂閔僧覺

威性保擴葺巍然巨觀大僕寺寺丞海昌朱涇記

景泰辛未繼葺之弘治辛酉僧翠峯祖漢重修邑

人耿明記崇禎九年邑人孫繼安軒三傑募建後

殿兩廊抱厦又令僧福祥性悲慶恩福榮請南京

水陸大會佛像百二十幅繪畫工嚴他寺罕有

國朝順治十年知縣劉茂先捐貲倡邑人張邦治軒

三傑僧慶寅增建後殿天棚頗稱弘麗相傳建寺

石出一石匣內有古銅磬一口佛像十幅隨飛去
二幅知縣宣城張星禮請二幅去餘與磬俱見存

奉泉寺 在縣東十五里路兒寨

圓覺寺 在縣東四十里路兒莊

石佛寺 在縣東南十里譚兒寨

牛兒寨寺 在縣東南二十五里

栢園寺 在縣南四十里沿邨

興福寺 在縣西南十八里北劉兒莊

佛堂寺 在縣西南三十里車曠集

館陶縣志

卷之十二

寺宇

二

貞

寶應寺 在縣西南三十里柴家堡

洪濟寺 在縣西南四十里淺口鎮元大定元年建

彌陀寺 在縣西南四十里南館陶鎮

崇興寺 在縣西南南燕邨

圓通寺 在縣西南五十里寧陽堡

龍泉寺 在縣西南六十里拐曲邨太和四年建

龍行寺 在縣西南六十里南劉兒莊

吉固庵寺 在縣西南六十里吉固邨

觀音寺 在縣西南五十里遷隄邨

興華寺 在縣西十二里許兒莊

福勝寺 在縣西二十里龔家堡

天寧寺 在縣西二十五里降兒莊

洪恩寺 在縣西二十五里曹兒莊

白佛寺 在縣西三十五里蘇家堡

興龍寺 在縣北十里丁家圈

石佛寺 在縣北十五里烟店

廣安寺 在縣北二十五里尖塚鎮

廣福寺 在縣東北三十里孫兒寨順治五年邑民

館陶縣志

卷之十二

寺宇

三

貞

燕邦恒重修貢生汪鳳翔有記

洪福寺 在縣東北三十里大章堡

準提庵 在縣治西北順治 年主簿楊振倡募

建卽范公祠址

觀音祠 在縣十字街西明萬 十五年知縣陳景

重修又一在南關外

災祥

漢武帝河決瓠子帝旣塞宣防後河復決館陶分爲

屯氏河

成帝建始四年河決館陶害東郡金隄凡灌四郡二十二縣水居地十五萬餘頃壞官民室廬四萬所先是清河郡都尉馮遂言郡承河上流土壤輕脆易傷向所以無大害者以屯河通兩川分流也今屯河塞靈犢之口又益不利獨一川並受衆河之任雖高增隄防終不能洩可復浚屯氏河以洩暴水事下丞相御史以爲方用度不足可且勿浚至後遂不果決章帝元和元年明珠出館陶大如李

宋仁宗至和二年河決大名館陶殿中丞李仲昌請

館陶縣志

卷之十二

災祥

四

貞

自澶州商胡河穿六塔渠以回河道遂以仲昌提舉河渠歐陽修三上疏力諫其不可後塔河成復決

元成宗大德四年館陶產嘉禾一莖六穗見嘉禾碑

武宗至大元年澶曹濮高唐等州蝗館陶與焉

文宗至順元年三月濮州臨清館陶饑

明弘治五年東昌等處旱大饑館陶斗米百錢 十

五年漳水決魏北注館陶

嘉靖八年御河決漂沒館陶居民田廬 十五年六

月旱蝗蔽天 三十年衛河決臨清館陶壞民廬稼

三十一年河復決水大鳴如牛聲數日河遂東徙
三十二年大饑斗米百錢 三十九年大旱 四十
一年春大饑巡撫都御史朱衡移文給民粥
隆慶二年旱 三年閏六月衛河決館陶溺死人畜
無算

萬曆三十五年衛河決 四十一年莘縣堂邑流至
館陶東北楊兒莊入大隄西歸衛河人傳黑羊山水
四十二年旱蝗令民捕蝗照蝗給穀

天啟二年二月地震 五年二月異風晝晦如夜

館陶縣志

卷之十二

災祥

五

貞

崇禎 年六月有虫五色一二日閉食苗盡 十一
年七月飛蝗蔽天食樹葉蝗蝻入人室 十二年蝗
蝻食麥 十三年歲大饑人相食 十四年地穰生
黍稷人賴以生

國朝順治五年五月大雨雹麥盡傷 十年五月初
八日夜大風雨雷電拔樹文廟栢樹拔二株閏六月
衛河決全邑受災 十一年八月初五日卯時地震
十二年九月十六日霜殺禾 十三年三月初八日
暴風晝晦閏五月蝗 十四年三月初五日隕霜

康熙四年大祲巡撫周有德題請闔省蠲免租稅

七年六月十七日地大震 九年秋旱

蠲正賦七千三百七十餘兩 十年春不雨

發積穀二百七十五石一斗又請發臨清

倉米八百石 六月好蝗食禾 蠲正賦七

千五百八十餘兩 十一年四月十三日河西雨雹

十里 蠲正賦四十八兩 七月飛蝗蔽日

一面請蠲一面懸賞令鄉民掩捕數日之內四

關廂集蝗如阜秋禾賴焉 十三年夏旱

館陶縣志 卷之十二 災祥 六 貞

蠲正賦五千一百三十九兩 十四年四月十

一日黑風自午至暮 十二日隕霜殺麥

發賑穀七百二十石 三十大風晝晦如夜 閏

五月二十一日大黃風從東南起晝晦

兵警

漢成帝更始二年檀鄉賊始起荏平入清河光武遣

吳漢追及館陶敗之又銅馬賊數十萬入青陽博平

遣偏將軍姚期迎擊之

晉武帝元年輔國將軍劉大安將遠將軍魯利建成

將軍慕容農自將攻館陶收其軍資器械

唐高祖時劉黑闥爲太子建成齊王元吉所追闔食盡衆多散亾或欲縛其渠帥以降闥恐城中軍與大兵表裏擊之遂夜遁至館陶永濟橋未成不得渡

攷黑闥貝州人嗜酒亾賴少與竇建德相友建德敗還匿漳南會高祖召建德故將范願等將用之願等疑畏共推黑闥襲漳南縣破之自稱大將軍已又陷相州號漢東王建元天造仍都洛州皇太子齊王悉兵戰館陶黑闥大敗遁去總管崔元邁

館陶縣志

卷之十二

兵警

七

貞

誘執斬之

德宗興元元年正月朱滔遣兵攻宗城寇氏援之又縱回紇掠館陶

昭宗二年二月朱全忠遣其將李思張敬將兵救魏博時葛從周自邗州將兵八萬已入魏州戊申劉仁恭攻上水關闚館陶門從周與宣義牙將賀德倫殊死戰仁恭大敗

後梁貞明元年晉王進屯永濟張彥暹銀鎗効節五百人執兵自衛詣永濟謁見王登驛樓語之曰汝凌

魯主帥殘虐百姓數日中迎馬訴寃者百餘輩汝雖
有功于我不得不誅以謝魏人遂斬彥及其黨七人
餘衆股栗

後唐同光三年皇甫暉殺楊仁晟擁趙在禮爲亂焚
掠貝州南趨永濟館陶所過剽掠

明正德六年流賊劉六等寇館陶莘縣遊擊將軍許
泰帥師破之

崇禎十一年十一月我

大清兵渡衛河抵館陶 十五年閏十一月十二日

館陶縣志

卷之十二

兵警

八

貞

我

大清兵破臨清二十六日圍館陶攻竟日城守甚固
旋解去

十七年三月闖賊李自成僞設館陶令程文煥河津
生員兵科給事中監軍凌嗣工部主事代東昌道于
連躍舉義擒文煥梟示之

採異

館陶周三簿顯慶中奉使臨渝將佐二人從往齋財
物二人囊土殺之財物盡盜去至歲暮其妻竄夫具

陳被殺之狀及所盜物藏匿處訴之官案驗具得狀
併獲所盜物二人坐死 出爲善書

續災祥

康熙三十九年五月十一日大雨 已至申禾盡沒
康熙四十一年四月二十八日大雹城東樹木折傷
麥禾盡廢一望如冬

康熙四十二年五月後霪雨連綿田禾淹沒河水泛
溢與波水相接平地水深數尺知縣陳冕遍歷查
勘奉 詔蠲賑截漕發帑遣官救養多方調護民
館陶縣志

賴全活

卷之十二

續災祥

九

貞

康熙四十四年三月初四日大風晝晦如夜

康熙四十七年六月大旱秋禾不收知縣高錕查勘
詳請按災免賦散穀賑濟全活甚衆

康熙五十一年二月初十日未時黑風晝晦飛沙盈
尺夜半方息

康熙六十一年至雍正元年俱旱知縣楊一正詳請
賑濟施粥給糧親造閭閻粥必親嘗粟必面給

雍正三年大雨連綿衛河泛溢傷民田禾廬舍知縣

楊一正申文告災

雍正四年二月十六日縣民徐來振妻劉氏一產二男知縣趙知希申請 題准賞給布米至今成立雍正八年衛河冲決南自宋家莊北至孫寨堤口四十餘里非舟不可城屯四門勢甚急是歲漕米帶徵錢糧減則九十十一年俱被水災特河未決耳

